


書名 說帖不分卷
撰者 清 陳廷桂 輯
卷 冊十六
內容分類 史·政書·法令·刑案
索書號 大木·法類·例案-44
編號 B3854200

冊十六



彩色首頁1
彩色首頁2

東洋文化研究所漢籍目錄 編號: B3854200

東洋文化研究所漢籍目錄所藏漢籍善本全文影像資料庫 索書號: 大木·法類·例案-44

漢籍善本全文影像資料庫文本說帖不分卷

版權所有: 東京大學 東洋文化研究所

使用上的注意事項

河南司

謹查例載黑夜偷竊或白日入人家內偷竊財物被事主
毆打致死者比照代無故入人家已就拘執而擗殺至死
律杖一百徒^三年若非黑夜又未入人家內止在曠野白
日摘取蔬菜等類俱不得濫引此律等語細繹例意以黑
夜在外偷竊與白日入人家內偷竊財物事主皆知其為
竊賊而毆死賊人竊與毆死平人有別故僅擬滿徒寬事
正以儆盜賊也例內黑夜偷竊是夜而不入人家者白
入人家內竊取財物是入人家而非夜者原屬兩項分
甚明至稱若非黑夜又未入人內止在曠野白日摘取

河南司

乾隆四十九年

張體道

說帖

0 1 2 3 4 5 6 7 8 9 10
2m

福建司

謹查福建省題奏被劫哨船之兵丁謝士太審擬治
罪一狀賊等查此案已草遊擊丁壽祿帶兵馳坐商
船赴台運谷在洋被盜園劫以失傷失谷船兵丁又
捏詞稟報該省將該官犯照守備不設被賊侵入境
內拓掠人民例擬軍聲明該犯之父丁得秋前在台
灣陣亡伊母黃氏孀居二十餘載現年七十五歲家
無次丁聽候部議等因查賊官犯罪例內留眷明文
惟犯父既係陣亡自應隨案聲明恭候

福建司

謝士太



欽定至試用知縣謝世珠試用未入流朱垂光係一同奉
委赴台遠谷當丁壽祿會銜捏稟之時豈得諉為不
知該省奏請免叙殊未允恊應令詳訊明確照例恭
办其餘各犯罪名俱核與例相符應請照察但該司
所批稿尾尚欠恊恊謹另批呈

閱伏候

鈞定

查律載官軍臨陣先退者斬監候又例載賊擁大眾
入寇官軍卒遇交鋒捐傷被擄殺十人以上不曾虧

捐大眾俱聞守備不及設被賊侵入境內擄掠人民
本例發邊遠充軍又例載在伍兵丁脫逃定限百日
嚴緝務獲或有自知畏悔於限內投回者杖一百枷
號一個月不准入伍若被緝獲除枷號不准入伍外
俱照例刺字各等語此案謝士太身充目兵於托总
陳良棟點炮之時輒將声言衆寡唯敵恐被賊船圍
攏性命難保对衆奪去火繩以致船械被賊劫燬寔
屬應如該指督等所奏謝士太應照官軍臨陣先退
者斬監候律擬斬監候秋後處决把总陳良棟奉派

駕船赴場修葺在洋遇盜當令各兵預備打仗並欲
點炮施放因被兵丁謝士太阻奪火繩不能放炮攻
擊賊匪旋即紛七上船該犯把忌跳海尋死被賊鉤
起昏迷尚非臨陣退縮畏蕙偷生但不能駕駛兵丁
任其奪去火繩阻止放炮又不于賊衆上船時督兵
抵禦以致船隻砲械被劫各无可辭未便稍為輕縱
陳良棟亦應如該督等所奏革去把忌於官軍臨陣
先退斬監候律上減一等杖一百流三千里該弁復
畏罪捏報與賊打仗受傷殊屬狡詐應從重發往新

恒充當苦差以示懲儆已革遊擊丁壽祿奉派帶領

弁兵二百一名配坐商船十隻裝送官谷由淡水滬
尾出口遇盜圍劫既不能攻擒盜犯逆金集勝一船
被賊圍劫又不奮勇救救以致該船官谷砲械均被
牽劫傷失兵丁轉捏身亦受傷並將盜船隻數以火
報多希圖掩飾寔屬怯懦无能居心巧詐惟所失究
係目兵施人德等管駕之船寔因頂風不能駛回葢
且曾經省同弁兵禦敵擊斃賊匪較之陳良棟被劫
哨船捏報與賊打仗受傷者有間丁壽祿亦應如該

省所奏照賊擁大眾入寇官軍卒遇交鋒殞傷被擄
數十人以上不曾虧損大眾俱問守備不設被賊侵
入境內擄劫人民本例發遣邊遠充軍例杖一百發
邊遠充軍據該省等聲明伊父丁得秋前在臺灣陣
亡其母黃氏孀居二十餘載現年七十五歲並无兄
弟僅止六歲孩子听候部訊等因查賊官犯罪例无
留養明文惟伊父丁得秋打仗陣亡歿于王事伊母
孀守多年年逾七十家无次丁可否准予留養之處
相應聲明恭候

欽定該省等奏稱陳良棟同船兵丁徐得太到案病故不
設外兵丁陳耀輝朱國陞林魁張大超楊邦俊唐志
華趙成貴莊元清陳標張陞林具明魏德合許廷枝
陳受訓陳國春許登雲何士遠林候章方得茂翁廷
得何得陞李得貴王尊清于士發魏朝淮王大机林
高安邦克明李茂春陳應丰同船在哨船遇賊圍劫
不能抵禦係由帶兵未令抵敵所致惟于送縣查訊
時混供打伏情由扶同捏飾殊屬不合應即革伍與
已革周兵丁周金標均照不應重律杖八十各折責



發落吳得捷林德貴徐國春張受奕均提解之時畏
罪脫逃除扶同混供打仗情由輕罪不訊外吳得捷
徐國春張受奕應照在伍兵丁脫逃例杖一百枷号
一個月照例刺字林德貴逃後投回應照限內投回
例杖一百枷号一個月免其刺字均折責發落不准
入伍兵丁劉廷吉林柳二名將已船撞截傷痕捏報
打仗受傷殊屬不合姑念受傷屬寔應照不應重律
杖八十折責發落効用日兵施仁德兵丁林志春趙
且莊紹珍粘責殊張善薇林振昌七名或禦賊落水


或身受重傷均無不合應免置訊未到把总余生賢
水手林錐黃鳥鄭加均係受傷案經審明並免提質
以省拖累水手徐長等訊屬无干應行省釋逃兵林
高等分別拘案究拟並挨查被失谷船各兵丁人等
下落如寔已傷斃應同跳海掩斃兵丁劉良順陳良
春二名照例辦理刦失官谷着令失事之該管地方
文武分別勻推賠補被刦哨船至砲械同谷船內所
配各砲械查明分別補造等語均應如該省等所奏
完結逃兵林高等及未教各盜犯應令該省等嚴飭

勒緝發務按例究擬仍令挨查被失谷船各兵丁人
等下落如扇業已傷斃應同跳海淹斃兵丁劉良順
等照例辦理再該省等奏稱試用知縣謝世塚會銜
稟報之時並未探悉情由應與式用未入流朱光垂
均毋庸議仍另該管失事各營縣會勘繪圖通送查
取疎防各職名開板詳參等語查試用知縣謝世塚
試用未入流朱光垂既係一同奉委赴台運谷當丁
壽祿會銜捏稟之時該員將豈得諉為不知該省等
奏請免議殊未允協應令該省再行詳訊明確照例

恭辦並方取文武各職名題參_臣等謹會都察院大
理寺合詞恭摺具

奏請

旨



四川司

謹查四川省名田潮魁砍傷胞姪田昌倫姪孫田二
娃一案職等查律載伯叔毆殺姪并姪孫者杖一百
徒三年故殺者杖一百流二千里又毆殺同堂大功
弟妹小功堂侄孫者杖一百流三千里故殺者絞監
候又例載殺死功服總麻卑幼一家非死罪二命者
問擬絞決奏請

定奪各等語是殺死功總卑幼一家二命擬絞立決之例
係指有心慘殺者而言蓋故殺功總麻一命已應絞

四川司

田潮魁

候殺故二命是以加致絞決至故殺期親卑幼罪止
擬流與功總罪分生死例內既係指明功德卑幼則
二命內有一期親卑幼即不在擬絞立決之例此案
田潮魁向胞姪田昌倫借米不還將田昌倫故殺身
死復因田昌倫之子田二姓將其拉住該犯又用斧
嚇砍致傷其偏左越十九日殞命查潮魁致死田昌
倫田二姓二命係一故一鬥並非均係故殺且一係
該犯胞姪一係姪孫與故殺功總卑幼一家二命應
擬絞決不同該省以該犯致死姪孫田二姓律止滿

徒其故殺胞姪田昌倫罪應擬徒流從其重者論將
該犯依故殺律擬杖一百流二千里與例相符應
請照要恭候

鈞定



江西司

謹查江西省咨鍾世芳赴京具控謝良五嫌貪悔婚一案
一、案、戒等查此案謝良五將女秋英得受財禮親寫庚帖許給鍾張氏之子鍾世芳為妻嗣鍾張氏擇期迎娶謝良五起意悔婚不允鍾張氏邀同原謀等至謝良五家將秋英帶回與鍾芳成婚鍾世芳與謝良五赴臬互控斷令鍾世芳完娶嗣謝良五家被竊振縣獲賊周在茂訊據供指與鍾世芳同竊傳訊鍾世芳預明係周在茂扶嫌誣扳謝良五稔知隨冒鍾世

江西司

謝良五



芳族房鍾國祐等之名控告鍾世芳曾經偷竊族衆
祭器經縣飭差曾貴傳審鍾張氏將秋英交給曾貴
帶縣謝良伍之兄謝鼎伍聞知因秋英年輕不便眷
同行曾貴商允將秋英帶回令伊妻伴送謝良五聞
知即將秋英藏匿鍾世芳赴縣呈催路過謝良五之
子謝冬官等將其攔阻爭鬧遺失裕連即以謝良伍
之子謝冬官等搶奪等情赴控勒傳謝良五等延不
到案謝良五即將秋英另嫁與伍惜陰為妻鍾世芳
赴京具控解回該省審明咨部查謝良伍誣指鍾世
芳行竊按所誣加等罪止擬杖鍾世芳呈控謝良五
悔婚另嫁得寔其所告謝良五串差計騙及謝鼎五
等毆打均事出有因該省將謝良五依許嫁女已成
婚書再許他人已成婚律杖八十酌加枷號一個月
鍾世芳照申訴不寔律擬杖一百隣差曾貴擬不應
重杖酌加枷號兩個月謝冬官等照不應輕律擬管
查核情罪均屬允協應請照奏恭候

鈞定



陝西司

謹查甘肅省題劉均才等共毆小功服兄劉均貴身
死一案職等查律載卑幼毆本宗小功兄姊杖六十
徒一年死者斬等語至卑幼共毆尊長致死之案惟
期親尊長律不應分首從皆斬功總尊長均以下手
傷重致死之卑幼擬斬幫毆之卑幼仍按毆傷本律
科罪此案劉均才劉均燕共毆小功服兄劉均貴身
死該省訊係劉均才下手傷重致死將劉均才擬以
斬決與例相符至劉均燕所從幫毆係屬餘人在常

陝西司

劉均才

人罪止滿杖今死係小功尊長仍按本毆傷法應擬
徒該省將該犯於劉均才斬罪上減一等擬流係屬
錯悞該司改依卑幼毆本宗小功凡律擬杖六十徒
一年情罪允協應請照換恭候

鈞定

江西司第一百三十六號

謹查江西省題唐擱老調奸唐劉氏拒捕刃傷查本
夫唐幅芳請仍照原擬依罪人拒捕律加本罪二等
一案查例載本夫於奸所登時殺死奸夫者勿論其
登時逐至門外殺之者杖八十若奸所獲奸非登時
而殺杖一百徒三年如捉奸已離奸所非登時殺死
奸夫照枉殺律擬絞監候等語此本夫捉奸殺死奸
夫分別治罪之例又本夫即有服親屬殺死固奸未
成罪人無論登時事後俱照枉殺律擬絞監候本如

江西司

唐擱老



有服親屬登時忿激致死強姦未成罪人杖一百徒
三年殺非登時仍絞監候各等語此本夫本如及有
服親屬殺死罔奸強姦未成罪人治罪之例又姦夫
拒捕刃傷應捉姦之人照竊盜拒捕毆斃而捕人至折
傷以上批絞監等語此奸夫拒捕刃傷應捉奸人治
罪之例又奸夫拒捕刃傷并非例得捉奸之人及別
項罪人拒捕但係刃傷及刃傷以下仍照律加本罪
二等同批等語此又奸夫拒捕與別項罪人拒捕應
分別同批之例詳譯各例稱奸夫者均指和奸已成

而言至罔奸強姦未成例內均稱罪人而不曰奸夫
即強姦已成各例內亦無奸夫字樣誠以婦女甘被
污辱其奸婦之名不可磨滅對奸婦而言謂之奸夫
若奸尚未成在罔奸者只係有罪之人而本如未經
失節自不應加以姦夫之名致良妇玷辱終身律例
本有區別復經本部於七年七月設稟湖北巡按各
請部示案內聲明已成奸者謂奸夫未成奸者謂罪
人二語更為明哲曾經通行遵辦此案唐摺老因向
總麻服審劉氏調戲劉氏不依喊罵氏夫唐煇芳聽

聞隨刀補截被該犯奪刀截傷左臂等處查唐摺老
如果調奸已成刃傷本如夫自應照奸夫刃傷捉奸
之人例擬絞今該犯既未成奸又無強暴情壯本如
之名節未虧則姦夫之名義即為不順于例只可謂
之罪人其拒捕之罪只應照律加二等且如本夫殺
死奸夫登時勿論若死固奸未成罪人雖登時亦應
擬絞罪名輕重思殊在本夫殺死固奸未成罪人其
罪既重于殺死奸夫則圖奸未成罪人拒捕其罪即
應輕于姦夫拒捕該犯唐摺老調奸總麻服瘡未成

按和奸罪不至死之親屬若調奸未成例應擬滿徒
其刃傷總麻服瘡按卑幼毆本宗總麻尊屬折傷以
上如凡鬥二等例于凡人刃傷徒二年上加二等以
應滿徒二罪相等前經該省審依親屬和奸罪不至
死者若調奸未成杖一百徒三年例上加拒捕罪二
等擬杖一百流二千五百里尚無錯悞該司設駁係
屬誤合例意今該省剖悉各例仍照原擬各節應請
照覆伏候

鈞定


浙江司第一百三十八号

謹查浙江省題徐得貴等誣拿嚇詐致李樂深李阿
豪投水溺死一案。賊等查此案徐德貴宋士升趙奎
朱玉如等四人坐舡黃疸巡哨時有李樂深李阿豪
至錢葉氏船內向錢葉氏索備欠同坐艙內趙奎遇
船查問李樂深等告以前情趙奎回向徐德貴告知
徐得貴以昏夜非索欠之時疑有奸私與朱玉和等
商允嚇詐隨至錢葉氏船內以李樂深等犯奸欲行
奪究並令出錢免拿李樂深等不允徐得貴將其拉

走过船李乘深復向徐得貴求免徐德貴詐稱不回
衙門管押稟官爰究李乘深李阿豪慮及受累忿恨
莫釋投水損命查徐得貴等四人俱係汛兵巡見李
乘深等二人在錢葉氏船內索欠商同証奸嚇詐李
乘深等均係鄉愚突被巡哨兵丁多人拉赴過船索
詐文並以稟官押究之言恐嚇以致李乘深等忿
恨輕生供情尚屬可信既據該省究明並無別情將
徐得貴比照捕役嚇詐逼認致死二命例擬絞監候
朱玉如等照為從擬流查核情節相符應請照成恭

恭候

鈞定



江蘇司第一百四十号

謹查江蘇省題唐受淋等共毆季仲英身死一案取
等查此案已死季仲英係局地保奉官方傳取私人
犯姚双淋無菽季仲英以唐受淋及其唐兄唐七與
姚双淋素識計圖訛詐遂令唐受淋等給与錢三千
文唐可免累唐受淋等不久季仲英復向唐受淋之
母繆氏嚇詐不遂拳毆繆氏成唐受淋聞知氣忿邀
同唐七將季仲英共毆並將其右臙肘等處毆至骨
斷越三十七日殞命查地保季仲英奉官方傳取私

之姚双淋無友因唐受淋等與姚双淋相識向唐受淋訛詐錢三千文如果贓已入手按蠹役詐銀一兩以上例罪止枷杖今贓未入手其罪亦止于杖責季仲英因嚇詐而將唐受淋之母毆傷係偶然挾詐逞兇與是在兇惡棍徒不唐受淋等將其共毆作死自不得以枉殺科斷季仲英死越三旬係在破骨傷正限五十日之內既據該省訊係唐受琳下手傷重將唐受淋依共毆人致死下手傷重律擬絞監候唐七依余人律擬杖與例相應請從覈恭候 鈞定

江西司第一百四十二號

謹查江西司已入

朝審絞犯梁勇常原拟罪名錯悞一案查例載強奸者絞監候未成者杖一百流三千里奸幼女十二歲以上者雖和同強論又例載強奸十二歲以上幼女幼童者斬監候和奸者仍照同強論律拟絞監候又強奸執持金刃兇器戳傷本妇及拒捕致傷其父並有服親屬已成姦者拟斬監候未成姦者拟絞監候各等語是奸幼女虽和同強論之例係統承已成未成

江西司

梁勇常

而例內添出幼童一條即係照幼女律辦理此案梁
勇常與年甫之十一之六十九同炕睡臥該犯頑弱
淫念挨近六十九旁固向鷄奸未成六十九驚與哭
喊其母王氏聽聞近內問知取刀向砍被該犯奪刀
拒捕砍傷額角等處查該犯乘睡固奸跡近於強且
六十九年在十二歲以上雖和應同強論該犯強奸
未成復持刀拒捕砍傷其母自應照強奸執持金刃
拒捕致傷其有服親屬未成奸者絞例擬絞監候該
司前引奸夫拒捕刀傷應捉奸人之例指已成奸者


而言與審定情罪不符惟兩例同一絞候罪名尚無
出入謹將遞核緣由繕具說帖呈

閱恭候

鈞定

查梁勇常固奸年甫十一之六十九未成拒捕刀傷
六十九之母自應照強奸執持金刃拒捕致傷其有
服親屬應從捉奸之人定擬引例本屬錯悞惟罪名
既無出入似可毋庸更正是否候

鈞定



直隸司第一百四十三号

謹查直隸省奏劉煥若等開場誘賭並施希文懷疑
妄控伊弟施希太被人讐害致死遭差檢一扒賊等
查案内之陳文魁因聽從聽劉煥若開場誘賭出有
賭具事發被獲脫逃復被捉獲照例加等擬流並不
在不在准苗養之例至施希太係因病身死亦非該犯
逼索賭欠輕生該犯既係母老丁單自應准其苗養
該司以該犯係開場誘賭釀命不准苗養未為允協
謹擬稿尾呈

直隸司

劉煥若

閱伏候


鈞定

此案劉煥若起意商同陳文魁等開場誘賭抽頭陳文魁出有賭具及被獲送縣該犯復敢中途脫逃自應各按本例加等問擬應如該省所奏劉煥若合依開場誘賭初犯杖一百徒三年例加逃罪二等杖一百流二千五百里到配折責安置陳文魁合依賭博出有賭具照販賣為從例杖一百徒三年加逃罪二等杖一百流二千五百里據該督声称陳文魁供係

母老丁單惟罪閔開場誘賭釀命應不准留養等因查開場誘賭不在不准留養之例至施希太係因病身死非由該犯逼索賭欠輕生該督擬以不准留養殊為允協應令該督查明該犯如實係親老丁單即照例核責准其留養仍取結報部倘係捏飾照擬擬配

直隸司 第一百四十五号

謹查直隸省題楊杰因姦楊治家之妻刘氏未成寢
息後因楊杰之母張氏罵猫致刘氏疑係汚蟻追悔
服毒身死一案取等查此案楊杰向楊治家之妻刘
氏拉衣調奸刘氏不依喊嚷楊杰當即奔逸經楊治
家往向楊杰之母張氏告知張氏史俟楊杰回家服
礼楊治家因此醜事归向刘氏劝慰刘氏氣已消息
嗣楊杰之母張氏因猫隻走失以誰家妇女將猫霸
住不放之言在街海罵刘氏聞知頓起楊杰調姦之



事心疑借端污蟻抱忿哭泣經其姑成氏勸慰劉氏
乘間伏毒殞命查劉氏于加慶十六年四月十三日
被楊杰拉衣調姦至二十二日服毒自盡相距已屆
十日如果劉氏因被調戲氣忿斃生自必在甫被調
戲之後斷無從容延至十日之久是所稱劉氏經夫
勸慰氣已消釋似尚可信張氏因走失猫隻以誰家
婦女將猫霸住不放之言海罵本係郵婦常情在劉
氏亦聞張氏借端污蟻因而追悔斃生亦屬情理所
有現據該省該訊明張氏並非有心污蟻劉氏聞欲
詈觸忿亦有氏姑成氏勸慰可覓將楊杰比伊調姦
婦女未成業經和息之後如有因人取笑本婦復追
悔抱忿自盡例杖一百流三千里似可照覆母序駁
審是否恭候

鈞定

奉天司 第一百四十六号

謹查吉林將軍咨傳隆那毆傷民人魏恠玉身死一案
案戒等查此案傳隆那充膺撥什庫因民人魏恠玉
以新正無事將宝盒置放桌上以備過人聚賭適傳
隆那與鄉約趙文瑞先後走至查見傳隆那等因現
奉方禁賭博均向數斥魏恠玉不服傳隆那奪取宝
盒欲行稟究魏恠玉欲行起立取斧追奪傳隆那奪
斧仍棄並將其推跌倒地魏恠玉欲行起立傳隆那
懼其逞兇拾棍毆傷其右肩越二十二日殞命查傳

奉天司

傳隆那

查那克膺撥什庫奉官查禁賭博本有應捕之責魏
恠玉輒將賭具置放桌上以倫遇人聚賭即局罪人
該犯向斥不服拿取賭具欲行稟究因被持斧追奪
取棍將其毆傷斃命寔屬拏殺該將軍將傳隆那依
罪人已就拘執而拏殺律擬絞監候查核情罪相符
應請照例惟該司所擬稿尾尚欠明晰謹另擬呈

閱伏候

鈞定

查此案傳隆那身充屯撥什庫奉官查禁賭博本有

應捕之責魏恠玉輒將賭具宝盒置放桌上以各遇
人聚賭寔屬罪犯該犯向斥不服將魏恠玉毆傷身
死自應依拏殺科斷應如該將軍等所咨傳隆那合
依罪人已就拘執而拏殺以聞殺論鬪殺者絞監候
律擬絞監候秋後處決



湖廣司

謹查湖北省題錢恒遠因李正明與伊大功兄妻錢周氏通奸在奸所登時殺死奸妇夫奸妇並誤戮奸生子重兒斃命一案 再查例載本夫有服親屬捉奸如有登時殺死奸夫奸妇者杖一百徒三年又親屬捉姦誤殺旁人照誤殺科斷各等語此案錢恒遠之大功服兄妻周錢氏與李正明通奸生有一子經氏凡周用元將李正明趕逐錢恒遠欲行控究周用原顧惜顏面央免報官後李正明又潛與錢周氏奸宿

湖廣司

錢恒遠



錢恒遠聞知氣忿于奸所用刀戳死李正明錢周氏
並誤傷錢周氏姦生之子童兒殞命查錢恒遠係錢
周氏之夫大功堂弟例許捉奸該犯于奸所登時殺
死姦夫奸婦按例罪上擬徒其候將姦生之子童兒
戳斃例无治罪明文檢查亦无办過成案職等公同
商酌例于姦夫奸有分別治罪專條而姦生之子則
无罪且律言奸生男女責付姦夫收養是只可為奸
夫之子不得為本夫之親屬其與本夫大功堂弟更
應以凡人論假如奸生之子因伊父母被殺救護將
應許捉奸之人殺死似不應科以罪人拒捕則本夫
有服親屬因捉奸誤殺奸生之子即不應遽擬絞殺
該省將錢恒遠照數捉奸誤殺旁人律擬絞監候尚
屬允協應請照候伏候

鈞定



江西司

謹查江西省題熊文杰逼勒伊妻小張氏與熊荷珠
子通奸不從致氏服毒身死一案職等查律載因奸
威逼人致死者斬監候又例載本夫抑勒賣奸故殺
妻者以凡論又婦女令媳賣奸不從折磨毆逼致媳
情急自盡者擬絞監候各等語又檢查加慶十三年
本部核發涼州副都統具題忠慶光將四十九雜奸
復主令冒奸四十九之妻教氏未成致氏羞忿自盡
一案比照奸婦抑媳同搗邪淫致媳自盡例共伊犁

為奴等因在案此案熊文杰因與無服族姪孫熊荷
珠子雖姦情熟主令熊荷珠子屢向伊妻小張氏調
姦希圖彼此常相姦宿迨小張氏不從即屢行罵打
逼勒以致小張氏不甘失節羞忿自盡實屬淫邪无
耻夫如恩义已絕若比照凡人因奸威逼律擬斬與
本夫抑勒賣奸故殺者以凡論擬斬之例無所區別
查主令被伊姦姦之人冒奸伊妻未成致妻自尽既
有比照奸婦抑媳同指和淫例定擬成案則令妻被
伊鷄奸之人通奸不從逼勒致生自尽應比照姑令

媳賣奸不從致逼自盡例科斷該省將熊文杰比照
婦女令媳賣奸不從折磨致逼致媳情急自尽例擬
絞監候聽從罔奸之熊荷珠子依為從減一等擬以
滿流查核情罪尚屬允怗應照奏伏候

鈞定前奉

交核江西者題熊文杰逼勒伊妻小張氏與熊荷珠子
通奸不從致氏服毒身死一案職等將熊文杰比照
姑令媳賣奸不從致逼自尽例擬絞監候情罪尚屬
允怗請照原繕具說帖呈

閱奉

批尚未允恊令平心酌設等因 職等伏查凡人因奸不
從殺死本妇例應斬決若因奸威逼致令自尽律應
斬候至本夫抑勒其妻賣奸不從故殺例應斬候蓋
抑妻賣奸已失夫妇之义故照凡人故殺律問拟然
不與凡人因奸不從殺死本妇同科斬決者因究局
夫妇于懲創之中仍示區別之意也此案熊文杰因
勒逼伊妻小張氏與伊奸好之无服族姪孫熊荷珠
子通奸致小張氏不甘失節羞忿自尽固屬淫邪無

耻若即照比凡人因奸威逼律拟斬是以本妇損軀
自尽之案而與手刃其命者同一罪名究竟無所區
別查本夫因别事逼迫其妻自尽律得勿論即毆有
重傷亦應拟杖今因逼勒伊妻與人通奸不從致令
自尽以例無明文比照姑令媳賣奸不從毆逼自尽
例擬絞監候以抵伊妻之命亦足以蔽厥辜應仍請
照擬伏候

鈞定

廣西司

謹查廣西省岑中新漢洪甫等行竊護夥拒傷事主
覃庭魁覃廷錫身死一案賊等查律載竊盜已經逃
走因見夥犯被護幫散拒傷因而殺人者首犯擬斬
監等候語此案岑中新漢洪甫聽從于加昌糾竊覃
庭家先竊得黃牛二隻牽走覃庭魁與弟覃錫庭驚
醒追捕將落後之夥賊却老八捉護至家網縛岑中
新等見却老八被執慮及破案轉至事主門首懇求
釋放覃庭魁覃廷錫分持木棍向毆岑中新奪棍毆

廣西司

岑中新

傷軍廷錫偏左等處該犯等當將邦老八解放並將
軍廷魁兩手及縛使其不能再追而逸軍廷魁軍廷
錫均延至次早因傷殞命查岑中新等竊得牛隻業
經逃走因夥賊被放轉回至事主門外求放被事主
持棍出毆該犯等各奪棍拒傷事主身死並非臨時
盜匪其將事主綑縛係慮其再追且未搜取贓物亦
與行強不同至被殺事主係弟兄一家二命惟該
犯等係各拒各捕自應各科各罪該省將岑中新莫
洪甫俱以竊盜已經逃走因見夥犯被表幫表拒捕

擬斬監候因而殺人例擬斬監候幫同綑縛事主之
賊犯于加昌張連達陳芝高均以為從幫毆有傷亡
非金刃例擬發附近軍充查核情罪均屬允協應請
照原恭候

鈞定

查強盜重在得財故例有得財斬決不得財發遣之
至竊盜臨時行強亦指臨時夥謀強攫財物而言如
將事主威嚇退避或毆倒致縛因而攫取財物自應
以臨時行強論若已竊得財物逃走因被事主追捕

將事主拒傷制縛以便脫身逃免是制縛意在固脫其時財已入手无所用其行強故另有竊盜拒捕分別處時事後及該夥該贓專條至賊犯因見夥賊被事拏致糾眾得放即係該夥與官司差人捕放罪人聚眾中途打奪者不同檢查上年八月廣東省題何其典等因賊犯朱歐松被事主郑用梅毆同地保羅斗孫拿獲聽從打奪拒傷鄭用梅身死一案該省將何其典依官司差人捕放罪人聚眾打奪致致死為從幫毆有傷例擬絞監候經本部以郑用梅係屬

事主羅斗孫後事主逃往之地保並非奉官簽差不得謂之官司差捕致令改依罪人拒捕殺人例科斷旋批該省遵改正在案此案岑中新莫洪甫聽從糾竊覃廷魁家已竊得黃牛二隻牽走覃廷魁与弟覃錫驚醒追捕將落後之夥賊郑老八捉獲至家網縛岑中新等見郑老八被獲慮及破案轉呈事主門首懇求釋放覃庭魁覃庭錫分持木棍向毆岑中新奪棍毆傷覃庭魁右太陽莫洪甫奪棍毆傷覃庭錫兩手反縛意在固財使其不能再追而逸覃廷魁覃



庭錫均因殞命查岑中新等如果將事主毆傷制縛
後復乘機搜取財物是毆縛意在圖財即應照臨時
行強律擬斬今該犯等所得牛隻係屬竊賊並非毆
縛事主所劫追事主毆傷制縛即行逃逸未再攫去
財物不得謂之臨強其將事主所獲之夥賊解放情
固近於奪犯但事主非官差可比經本部于粵省何
其典案內申明例意應照罪人拒捕本律辦理亦不
得謂之奪犯殺差惟該犯各拒各捕各毆死事主一
人自應各科以為首之罪該省將岑中新莫洪

甫俱已竊盜已經逃走見夥犯被護幫鼓拒捕因而
殺人例擬斬監候揆情核例均屬相符應仍請照疾
伏候

鈞定



江西司

謹查江西省審批侯貴溫呈控陳珠等指不对地并
將原中邢太然等較細等情一案或等查此案陳珠
先經典種亨特坐落武清縣地畝而亨特將地賣與
侯貴溫之主母閔氏為業陳珠欲謀此地賄囑亨特
之叔景文捏情妄控經本部審明將陳珠批流折枷
地畝仍歸閔氏承買在案侯貴溫邀同原中刑邢太
然趙升劉廷學并地主亨特前赴武清縣對地因所
坐車勒信于麥地踏傷禾苗陳珠之姪陳廷佐陳廷

江西司

陳廷佐



位等即將邢太然等捆縛送縣驗傷經縣將陳廷位
等銷押時有在該縣充當白役之楊老因與陳廷位
等係屬戚誼時常送給飯食嗣該縣將陳廷位等開
鎖前赴該地丈量明確該縣旋因事离任未經傳訊
陳廷位等即在家收割麦子侯貴温心疑陳廷位等
係楊老私行釋放又因日久未將地畝對清回京稟
知伊主母閔氏赴部呈控該司吊查該縣原卷并提
傳陳珠等到部驗明邢太然等傷俱平復將陳廷位
依威力制縛人律拟杖八十陳廷佐為從減一等杖

七十仍令侯貴温同事特前赴武清縣交清典賣各
價將陳珠在該縣呈出典契領回照契收清地畝辨
理尚屬允協惟白役楊老雖訊無私釋陳廷位等情
事第伊既供認充當白役即有干禁令查正役私帶
白役例應滿杖斥革該司竟置之不設殊屬疎漏應
請

交司訊明楊老係何班正役名下所帶白役飭縣照例
辦理伏候

鈞定奉

江西司

陳廷位

交核江西司審批侯貴溫呈控陳珠等指不对地並
將原中邢太然等毆細等情一案經臬等以核司所
批陳廷佐等罪名及斷令侯貴溫仍同地主身特前
赴武清縣交清典價查收地畝之處辦理均屬允協
惟案內之楊老既供認充當白役有干例禁該司置
之不議係屬疎漏請

交司訊明照例辦理繕具說帖呈

閱奉

批案情太蹊蹺何止遺漏白役一層細核之等因_職等

復將侯貴溫在部所造原呈及該司現審情節悉心
詳核查侯貴溫原控陳珠等抗違部斷不肯交兌地
造控縣差令弓手等前往丈地反被將同去之人充
毆細縛送縣一節經該司審明陳珠于侯貴溫有表
往對地時因身特未將典價交清並稱地內種同麥
子難以丈量經侯貴溫控縣差令弓手人等帶同侯
貴溫暨原中邢太原然等前往丈地陳珠之姪陳廷
佐陳廷佐因邢太然等車輛停于表地踏坏麥苗向
爭_阻開用棍將邢太然刺廷舉毆傷并因邢太然等脫

江西司

陳廷佐



地辱罵即將邢太然等捆縛送縣經該縣查明傷痕
當將陳廷位等鎖押候與侯賚溫原控相符又侯賚
溫呈控詠縣委楊邨司丈量地畝未清白役楊老串
放被押人私行回家收割麥子一節經該司吊查縣
卷訊明係該縣將陳廷佐等開鎖委令楊村司巡檢
押同陳廷元等赴地丈量迨該巡檢將地丈量清楚
值該縣因公離任陳廷位等在家收割麥子因未奉
傳訊並未回縣候質候賚溫即來京赴部具控至楊
老因與陳廷位等係屬戚誼于陳廷位等被押時時
常送給飭食並無串同私放情事雖核與侯賚溫原
控稍有未符第該司係憑該縣送到卷宗核審明確
並無疑竇之處至陳廷位等將邢太然等毆傷捆縛
送縣該司科以威力制縛人之罪亦與律符合寔止
有楊老充當白役一層該司置之不設係屬疎漏仍
請

交司訊明飭縣照例辦理伏候
鈞定

江蘇司嘉慶十七年

江蘇省題趙和觀毆傷胞伯趙安豐身死一案職等查律載毆本宗大功兄者杖七十徒一年又父祖被毆律註云如祖父母父母被有服親屬毆打止宜解勸不得還毆如有還毆者仍以服制科罪各等語此案趙尚淋係趙和觀大功服弟趙和觀因與趙尚淋之父趙安豐爭種公田起衅將趙安豐毆跌倒地趙安豐之妻陸氏拉住趙和觀不依亦被趙和觀撞傷該犯見而趨救用鋤背毆傷趙和觀右手腕經趙四觀等喝散趙安豐因傷殞命查趙和觀毆死胞伯趙安豐律應斬決至趙尚淋毆傷大功服兄趙和

觀已在伊父母被毆之後與勢在危急者不同且律註內云父母被有服親屬毆打止宜解救不得還毆如有還毆者仍以服制科罪該省將趙尚淋依毆大功服元律擬以杖七十徒一年半與律相符應請照覆恭候

鈞定

陝西司第一百五十八號

謹查甘肅省題閆泳成踢傷總麻服侄閆普清身死一案職等查此案已死閆普清因族叔閆倉佃種蔡大用公田閆普清向閆倉控稱伊總麻服叔閆泳成令其赴彼相擄閆倉聽從收留閆普清旋將閆倉毆罵揮逐霸種田地二年未給租糧蔡大用等畏兇未敢向索嗣閆泳成向閆倉詢悉情由心懷不平邀同蔡大用蔡雙絢兒蔡貴並閆倉往向閆普清理論索租閆普清牽罵蔡姓蔡雙絢兒爭論閆普清用斧砍傷其偏右倒地閆倉向其奪斧亦被閆普清拔刀扎傷頂心蔡大用等逃避閆普清復用刀扎傷蔡

陝西司

閆泳成

賈顯門脖頸胎膊等處閔泳成踢傷閔普清右脇倒地蔡
大用又棍毆其臙肋兩下逾時殞命查閔普清霸種地畝
復持刀斧逞兇砍扎蔡雙絢兒等三人固屬情類棍徒惟
閔泳成並非被害之人該犯踢傷其右脇致斃自應仍照
尊長毆卑幼致死本律科斷該省將閔泳成依總麻尊長
毆卑幼致死律擬絞監候蔡大用依餘人律擬杖查核情
罪允協應請照覆恭候

鈞定

雲南司

謹查雲南省咨高老大攬載客貨被水沉失撈獲後私行
偷匿一案職等查此案船戶高老大王老二攬載甘南貨
物中途遭風船隻撞散人物一齊落水高老大王老二覓
水上岸轉回原處見船貨漂溺無踪同往下游查尋甘南
無獲瞥見貨箱兩隻漂流水面高老大王老二當即撈獲
因不見甘南踪跡高老大起意偷匿與王老二高允各分
一隻逃逸計贓逾貫先據該省緝獲高老大王老二列案
訊悉前情因王老二病故將高老大依竊盜贓一百二十
兩以上律擬絞監候具題經本部以情罪未協駁令另擬

雲南司

高老大

今據該省剖晰律意請將高老大仍照原擬絞候並聲明該犯業已監斃毋庸具題咨部銷案等因查船戶攬載客貨中途偷竊盜賣應照竊盜律計贓治罪今高老大等攬載甘南貨物中途遭風船隻拉散人物一齊落水該犯等于撈獲貨物之後因物主漂流不見即乘機竊而逃逸寔與竊盜無異核與欺人愚懦而設法詐取者不同該司將高老大改照詐欺取財律擬流未為允協自應仍照該省原擬辦理至罪應斬絞之重犯病故案內餘犯僅止杖枷罪名者例准咨結該省以高老大既已監斃餘犯僅止杖責毋庸具題咨部銷案亦與例相符應請照覆恭候

鈞定

安徽司第一百六十一號

謹查安徽省咨呂得起強搶汪氏尚未姦污一案職等查此案張閻之叔張悃淋病故遺妻馮氏經張閻之母產氏說媒將馮氏嫁與呂得起為妻議明財禮係馮氏夫兄張悃賢主婚後張悃賢以呂得起並非同鄉起意悔婚另嫁呂得起與馮氏成親後旋即外出張悃賢即令堂弟張悃佐等將馮氏接回託汪中言方添相媒合嫁與同鄉王定悃為妻呂得起控縣差拘未到呂得起意及馮氏係張閻之母說合馮氏被張悃賢另嫁張閻不為找尋欲搶張閻之妻汪氏作抵并以馮氏另嫁時係汪中言作媒嚇逼同

安徽司

呂得起

行復邀同方添相等至張閻家將汪氏搶至家內尚未姦
污被控獲案查呂得起因被張悃賢將伊妻悔婚另嫁輒
歸咎于從前好合之人強搶張閻之妻作批訊未姦污自
應照強奪良家妻女尚未姦污例科斷汪中言係被逼隨
行並非夥謀強搶且在空地等候亦未同往搶奪該省將
呂得起依強奪良家妻女尚未姦污例擬以杖一百流三
千里汪中言依逼誘隨行例杖八十並將另嫁之張悃賢
等照例分別擬杖查核情罪均屬允協應照覆伏候

鈞定

江蘇司第一百六十三號

謹查江蘇省咨陳順行竊稅課司葉一桂寓所銅鍋葉一
桂將買賍之劉德濫責斃命一案職等查此案葉一桂係
試用未入流飭委代理通州稅課司寓居元妙觀道房辦
公該觀道士陳順將葉一桂寓內銅鍋偷竊賣與劉德得
錢花用經葉一桂厨役向陳順盤出寔情稟知葉一桂該
員以稅課司分轄地方有兼司緝捕之責值該州公出即
飭差傳喚陳順避匿未到將劉德帶案查訊劉德不服頂
撞葉一桂飭役王沅用皮掌責其右腮朕十下劉德並加咆
哮葉一桂復令貴左腮朕五下因王沅失手傷及劉德左耳

江蘇司

陳順

根殞命查葉一桂奉委代理稅課司事務有分轄地方兼
司緝捕之責因辦公寓所被竊將買贓之劉德傳案查訊
劉德倔強頂撞該員飭役將其掌貴與非刑拷打者不同
劉德因用力爭扎致被誤傷耳根殞命在有司官依法決
罰邂逅致死律得勿論即夫人不如法因而致死亦律止
滿杖今該省以葉一桂係佐雜微員于傳到劉德後不行
解州審辦輒違例刑記致斃比照承審官吏將干連人犯
不應拷訊任意疊夾致斃例擬以杖一百徒三年情罪尚
屬允協惟葉一桂寓居觀中與衙署不同該省將陳順依
偷竊衙署服物例發極邊烟瘴充軍與例不符應行更正

謹另擬稿尾呈

閱伏候

鈞定

查例載現任官員奉差出使住宿公館被竊財物計贓照
尋常竊盜例知一等又律載竊盜贓一兩以下杖六十各
等語此案陳順行竊代理稅課司葉一桂寓內銅錫查業
一桂係寓居元妙觀中辦公與衙署不同自應照行竊官
員館內財物例科斷今該撫將該犯依偷竊衙署例定擬
與例不符所竊銅錫計贓在一兩以下陳順應改依現任
官員奉差出使住宿公館被竊財物照尋常竊盜加一等

江蘇司

陳順

例于竊盜贓一兩以下杖六十罪上加一等杖七十年未
父歲照律以贖並免刺字餘均應如詠撫所咨完結葉一
桂被竊另案贓賊仍令該撫飭緝務獲照例辦理可也

雲南司第一百六十六號

謹查雲南省洛叅草知縣劉義遵先因故入人罪擬徒奏
結後又查出該草員有那移庫項情事審明從重擬總徒
四年今限內完贓應否照例免罪咨請部示一案並奉
諭將江蘊省李輔平一案查出一併交館查核等因職等檢
查嘉慶七年有已草叅州糧道孫文煥濫應軍需一案原
案內敬明諫草員控告藩司百齡貪婪勒索及捏詞陷害
等款審係虛誣照誣告人死罪未決律罪止擬流加徒即
聽從臬司張繼辛餽送酒銷罪止于張繼辛應得死罪上
減等擬流惟濫應軍需至三萬八千兩之多應從重照那

雲南司

劉義遵



移一萬兩以上例擬斬監候嗣該革員一年限內完贓經
本部奏明奉

旨釋放在案此案已革知縣劉義遵先因承審張兆控案故入
人絞罪未決自行檢舉照故入人罪以全罪論未決減一
等滿流律量減一等杖一百徒三年奏結後復查出該員
因墊完民欠修理河堤等款那用庫銀四千餘兩續參明
從重照那移庫銀五千兩以下例擬杖一百總徒四年仍
照例勒限監追今據該省以該革員一年限內全完應否
免罪咨請部示查二案俱發應從其重者論該革員既歸
于那移案從重定擬今已于限內完贓自應照例免罪該

司議令題請免罪核與定例及辦過成案均屬相符應請
照辦至江蘇省叅革知縣李黼平一案查該革員因私將
嚴單印串抵借銀兩照官吏挾勢借貸所部財物例擬流
罪上量減擬徒因另有那移庫銀倉谷從重照那移庫銀
一萬兩以上例擬近邊充軍業經本部題准照例勒限監
追如果該革員限內完贓亦應比照辦理均無錯悞謹繕
具說帖呈

閱伏候

鈞定





陝西司第一百六十七号

謹查陝西省題王起貴糾同王慶先等捏姦活埋姦婦王
胡氏并縱姦之本夫王友江身死一案職等查律載尊長
毆總麻卑幼至死者絞監候又尊長毆總麻卑幼之婦至
死者絞監候又例載本夫本婦有服親屬捉姦殺死犯姦
卑幼之案如非登時而殺無論謀故各按服制于毆殺卑
幼本律例減一等又人命案件按律不應擬抵罪止軍流
徒人犯如擅殺姦盜罪人之類除致死二命照律從一科
斷外如至三命者于應得軍流徒本罪上加一等各等語
又上年十一月據陝西省以有服尊長因卑幼縱妻賣姦

陝西司

王起貴

等類玷辱祖宗及閭族顏面起見忿激致斃者審無懷挾私仇之案較之致死為匪卑幼情節尤輕無論謀故照毆死卑幼本律罪上減一等問擬聽從下手之犯無論尊長凡人各依餘人律杖一百方為允協惟例無專條咨請部示本部查縱妻賣姦其無耻傷化卽與身自犯姦無異尊長因其玷辱祖宗及閭族顏面忿激致斃與殺死犯姦之卑幼相同例內既有尊長殺死犯姦卑幼各按服制減等定擬之條自可參核辦理等因咨覆在案此案王起貴因總麻服侄王友江貪利縱妻胡氏與王世信通姦棄忿邀族人王慶先等捉姦王世信當時逃逸該犯王起貴令王

慶先等將胡氏并本夫王友江一併活埋身死查有服尊長殺死犯姦卑幼無論姦夫姦婦均例應按服制減斃死卑幼本罪一等今王友江雖非自行犯姦第其貪利縱妻與人通姦實屬無耻傷化與身自犯姦無異該犯王起貴係王友江總麻尊屬因其玷辱祖宗并傷閭族顏面將其夫婦一併致死委係激于義忿先據該省咨請部示業經本部行令照尊長殺死犯姦卑幼例問擬至死雖二命惟例內不應擬抵命案至三命者始照例加等二命仍從一科斷今該省將王起貴依有服尊長捉姦殺死犯姦卑幼如非登時而殺無論謀故各按服制于毆死卑幼本律上

減一等例擬杖一百流三千里年逾七十照例收縣聽從
下手之王慶先等依餘人律擬杖姦夫王世信緝獲另結
查核情罪均屬允協應請照覆伏候

鈞定

直隸司

謹查直隸省題李時敏強姦小功服孀李何氏未成砍傷
李何氏平復一案查例載親屬和姦律應死者若強姦未
成發邊遠充軍又因強姦刃傷本婦未成姦者擬絞監候
各等語至強姦有服親屬未成刃傷本婦例無作何治罪
明文此案李時敏強姦小功服孀李何氏未成被何氏揪
辯喊嚷李時敏情急用刀砍傷何氏頂心等處平復查凡
人強姦未成罪止滿流親屬強姦未成則罪應邊遠軍雖
較凡人稍為加重至於刃傷本婦在凡人罪應絞候其有
闕服制之犯例內既不另立專條未便再為區別有犯自

直隸司


李時敏

應與凡人一例並論該省將李時敏依強姦婦女及傷本
婦未成姦例擬絞監候尚屬允協應請照覆恭候

鈞定

檢查嘉慶十六年山西省題呂公重強姦小功兄妻董氏
未成及傷本婦一案該省以呂公重強姦小功服兄之妻
董氏未成持刀將董氏砍割致傷律例並無強姦本案總
麻以上親之妻未成刃傷本婦作何治罪明文惟強姦親
屬未成罪應擬軍較凡人流戍罪名相符而凡人強姦婦
女未成刃傷本婦律應擬絞罪已至死例無可加自應比
例問擬將呂公重比照強姦執持金刃戮傷本婦未成姦

者絞例擬絞監候等因經本部題覆在案



山東司

謹查山東省咨高興唐赴京呈控劉永興販賣鉛錢串通
伊叔高佩祥誣認等情一案查例載私鑄鉛錢知情買使
者杖一百流三千里等語此案高佩祥憑伊族叔高大年
作保向劉永興借銀雇覓李大成張繼王存小車赴河南
溫縣置買鉄債因與該縣民人尚法旺撞遇談及鑄有鉛
錢高佩祥貪利販賣即邀同李大成赴尚法旺家向尚法
旺並張士杰共買得鉛錢七十八千用簍盛貯推回本縣
捏稱錢文寄存夏元良店內經庄隣楊廣績等查知同夏
元良赴縣首繳拘訊高佩祥畏罪妄供劉永興主使販買

山東司

高佩祥

該縣將劉永興傳案一併收禁後傳到高大年貢訊高佩祥供出寔情諒縣將劉永興提禁錄供通詳高佩祥之父高文智因高佩祥赴豫貿易係劉永興出銀作本心疑果有主使販私情事囑高佩祥胞姪高興唐盪赴府司院各處翻控尚未審結高文智病故高興唐猶懷疑未釋復赴京具告咨交該省審明實係高佩祥自行起意販私查高佩祥圖利販買錢鉛至七十八千之多雖尚未行使第例無買而未使應行減等之條自應即照知情買使例治罪李大成眼同販買並不勸阻即屬為從除私鑄鉛錢之尚法旺等業經豫省等獲審結外該省將高佩祥依私鑄鉛

錢知情買使例擬杖一百流三千里李大成減一等擬杖一百徒三年援上年兩次

息赦分別減杖寬免查核情罪相符至高興唐赴京具控雖未得寔究係欲為伊叔出罪懷疑誤控事出有因情尚可原該省擬以不應重杖酌加枷號兩個月亦屬允協應請照覆伏候

鈞定



山東司

謹查山東省咨草弁顏懷哲查夜鞭責賭犯靳連山因傷
身死一案查此案顏懷哲係已革觀城汛經制外委因時
屆隆冬恐有匪徒窩聚賭滋事帶同汛兵張敬等赴鄉
查夜適靳連山與劉見德等在場院內聚賭詎草弁即令
兵丁將靳連山等拿獲押帶進城移縣究辦靳連山不服
押帶頂撞混罵該草弁令兵丁趙迎林李殿魁將其按例
褫褲令張敬鞭責因黑夜恐鞭稍傷及腎囊故令張敬將
鞭雙折先責五下靳連山益肆混罵該草弁又喝令責打
五下先後致傷靳連山左右臂腿詎靳連山素患癆病被

山東司

顏懷哲

被責過重移時殞命查該革弁等獲賭犯靳連山欲押帶
進城送縣究辦即因其不服混罵亦止應移明該縣從嚴
懲治乃喝令兵丁將皮鞭雙折疊責其臀腿致斃寔屬非
法毆打該省將該革弁比照監臨官因公事非法毆打致
死律杖一百徒三年聽使下手之兵丁張敬成等擬杖九
十徒二年半查核情罪允協應請照覆伏候
鈞定

江西司

謹查江西省題顏徐十戕傷黃正祥身死並邱廣榮將母
屍圖賴一案查此案顏徐十因黃正祥姑母黃氏病故氏
子邱廣榮向該犯借錢棺殮不允起意將母屍圖賴逸同
黃正祥將黃氏屍身抬至顏徐十家逼令出錢棺殮該犯
不依爭鬧黃正祥舉拳向打該犯取刀將其戕傷斃命查
邱廣榮因伊母病故向顏徐十借錢棺殮不允抬屍圖賴
該省將邱廣榮依子將已死母屍身圖賴人者杖一百徒
三年與律相符惟黃正祥雖所抬屍圖詐究非因姦因
盜亦與寔在兇惡棍徒擾害者不同顏徐十將其戕斃既非

江西司

顏徐十

有心致死自應仍依聞殺科斷該省將顏徐十依罪人不
拒捕而擅殺律擬以絞候罪名雖無出入引斷寔未平允
該司將顏徐十改依聞殺律擬絞監候洵屬允協應請照
辦恭候

鈞定

廣東司

謹查廣東省咨戚仁傑挾嫌誣告江孔超等偷竊牛隻辛
宜知情窩藏并糾夥搶奪錢物被獲緹縛差役一業查例
載誣告之犯如被誣罪名應准留養者仍准留養又應發
極邊烟瘴罪人事發在逃被獲時有拒捕者並大夥梟徒
拒捕傷差案內之灶丁窩家俱不准聲請留養等語此案
戚仁傑挾嫌誣告江孔超偷竊牛隻并辛宜知情窩藏及
搶奪銀錢衣服赴縣控告因恐審虛反生逃往別處躲避
經該縣飭差王彩等拘拿戚仁傑喊同伊叔戚均平將王
彩等捆縛旋被拏獲查戚仁傑誣告各款惟所控辛宜搶

廣東司

戚仁傑

奪錢物為重其辜宜被誣搶奪罪名例准留養即該犯被
拏捆縛差役亦只係尋常拒捕既非大夥梟徒又非應發
極邊烟瘴罪人例無不准留養明文該省以戚仁傑誣告
辜宜搶奪罪應滿徒加所誣三等罪應滿流依罪人事發
在逃被獲時有拒捕者如本罪已至滿流拒毆在折傷以
下者改發近邊充軍例改發近邊充軍並教明該犯母老
丁單殺請留養尚屬允協該司以戚仁傑細縛差役情節
較重不准留養究屬過當恭候
鈞定後交司照辦

奉天司

謹查奉天省咨已革生員王慶等糾眾阻撓賑物一案查
例載直省不法之徒因賑貸稍遲搶奪村市喧鬧公堂者
照光棍例治罪等語此案王慶係復州生員該州因被災
欽奉

恩旨極貧戶口賞給三月口糧王慶家道本係殷實該鄉保原
查戶口時一併開報嗣因分別極貧刪去次貧王慶因無
賑領意欲具呈請賑又恐官不准給遂捏砌訖州侵賑各
款邀同生員段法強等及鄉保崔志溫等列名赴控求賑
時有在城候賑鄉保民戶眾多王慶揚言逼呈求賑可以

奉天司

王慶

多得賑銀糾同求賑者約有二百餘人偕赴該州遞呈該
州曉諭鄉保仍令分別極次王虔即咆哮喧嚷該州喝役
鎖拿王虔特其年老肆行詈罵並喝眾走出查該犯糾同
多人遞呈求賑當該州傳集鄉保曉諭之時輒敢恃符咆
哮辱罵官長寔屬藐法惟尚無搶奪村市重情核與刑例
內所載因賑貸稍遲搶奪村市喧鬧公堂與光棍治罪之
例不符此外亦無另有恰合治罪專條該省以該犯係屬
生員照學政全書內生員糾眾扛帮聚至十人以上詈罵
官長肆行無禮為首發遣例發烟瘴少輕地方充軍尚屬
允協至生員王繩志聞風效尤糾眾捏詞挾制求賑亦屬

濟惠第無咆哮罵官情事該省將該犯於王虔軍罪上量
減擬杖一百徒三年聽從糾人附和之鄉保陳言發減等
擬徒列名求賑之生員教法強等鄉保崔志溫等分別擬
以杖枷斥革亦屬平允均請照覆恭候
鈞定

安徽司

謹查安徽省題解審發回絞犯楊箴匠在途脫逃一案查
問擬斬絞監候人犯如業經題結者遇有越獄及在途脫
逃等項事故向俱叅奏具題此案楊箴匠因行竊張之炳
家園脫拒捕刃傷事主擬絞監候前據該省審擬具題業
經本部題結應入本年秋審之犯茲該犯由省發回在途
脫逃該解役等俱有應得罪名且僉差不慎職名亦應題
叅自應由本部主稿會同吏部題覆惟該司所擬稿尾內
漏叙案犯楊箴匠業經本部題結一層今添入稿內浮粘
呈

安徽司

楊箴匠

閱恭候
鈞定

直隸司

謹查直隸省咨補役呂學書教賊誣扳魏三狼當贓差役
牛青山等往拿將魏三狼推拉致傷腎囊身死一案查此
先據該省將呂學書依誣良為竊拷打傷重致死律擬斬
監候業已病故應毋庸議牛青山呂連生依誣指寄賣賊
贓將良民捉拿拷打嚇詐財物例發邊遠充軍等因咨部
經本部以魏三狼之死由于牛青山等臨時之推拉寔非
呂學書主使詐贓所致衡情定罪牛青山等正典白役詐
贓斃命將白役擬抵之例相符呂學書主使詐贓止應依
白役詐贓斃命之案正役未同行而主使詐贓例發黑龍

直隸司

呂學書

江為奴咨駁去後亦據該省咨稱牛青山等均係外薄有名並非白役呂學書身充頭役因挾嫌逼令賊犯苑四誣扳魏三狼賣賍囑令散役牛青山等將魏三狼鎖拿帶到希圖嚇詐以致牛青山等將魏三狼拴鎖因其坐地混罵呂連生持鍊前拉牛青山在後推搡不期地上土塊墊傷魏三狼腎囊殞命是牛青山等悉係所從呂學書所為應罪坐所由且呂連生與牛青山因魏三狼坐地不行一拉一推同時下手寔難定為伊人致傷核與同謀共毆案內亂致不知先後有原謀則坐原謀之情事相同呂學書等均請仍照原擬辦理等因查牛青山等推拉魏三狼致傷

身死既難分別何人下手傷重而詐賍斃命寔由呂學書主使所致自應以呂學書當其重罪該省將呂學書依証良拷打致死例擬斬監候業已病故應毋庸議牛青山等擬軍情罪尚屬允協應請照覆恭候

鈞定



山東司

謹查山東省各路克言竊奴霍鳳儀等鋪錢布并張添祿
教習拳棒一案查例載游手好閑之流自號教師演弄拳
棒教人者照違

制律治罪仍枷錮一個月等語此案張添祿學習拳棒與路克
言盜案絕不相涉其轉教王舉等為徒按律罪止枷杖惟
該犯素以拳棒著名鄉里致該處傳聞有義和拳名目欽
奉

諭旨飭查雖據該撫訊明並無自立義和拳名目聚黨不法情
事而人言嘖嘖並非無因該犯酗酒打架庄眾畏懼業據

山東司

張添祿

自行供認既在著名匪徒之列自非鄉里可以容留之人
若僅照違

制律擬以加杖實不足以懲儆該省將張添祿照兇惡棍
徒例上量減擬徒衡情酌斷尚屬允協應請照覈恭候
鈞定

四川司

謹查四川省題曹思能殺死姦夫王剛姦婦余氏身死一
案查此案曹思能因王剛與伊妻余氏通姦被伊撞獲王
剛掙脫逃跑曹思能告知妻母王氏同向余氏查問認姦
不諱曹思能當欲控究經王氏勸止當將余氏責處禁其
往來嗣王剛黃夜復至曹思能門外低喚余氏開門曹思
能聞知係王剛來與伊妻續舊心懷氣忿携斧開門王剛
走進曹思能將其砍傷跌地余氏趕攏奪斧曹思能亦用
斧將余氏砍倒後取菜刀將王剛余氏頭顱一併割落查
曹思能因王剛與伊妻余氏通姦被伊撞獲逃逸該犯欲

四川司

曹思能

控經妻母勸止將余氏貴處事已寢息嗣王剛夤夜欲與
余氏續姦甫經進門即被該犯用斧砍傷跌地余氏奪斧
該犯復將余氏砍倒並割落王剛余氏頭顱既非姦所又
非登時自應仍依擅殺罪人科斷該省將曹思能依本夫
捉姦已離姦所非登時殺死不拒捕姦夫者照罪人不拒
捕而擅殺律擬絞監候查核情罪尚屬允協應請照覆恭

鈞定候



所
圖
書

